

Attaveqarnermut, Avatangiisinut Aatsitassanullu Naalakkersuisoq
Landsstyremedlem for Infrastruktur, Miljø og Råstoffer

Inatsisartunut ilaasortaq: Esmar Bergstrøm

Inuit Ataqtigiit

-/ Maani

04.04.2008
J.nr. 38.46/06

Postboks 909
3900 Nuuk
Oq/tel +299 34 54 00
Fax +299 34 54 10
iap@gh.gl
www.nanoq.gl/iap

§36, imm. 1 naapertorlugu apeqqummut nr. 2008-43-mut akissut

Nuummi Tuapannguani sanaartorneq pillugu apeqquiti

Asasara Esmar.

Aallarniutigalugu apeqquiti pillugit qutsavigaakkit, taamaalillunga Tuapannguani sanaartorneq pillugu nassuiaanissamut periarfissinneqarama.

1. Nuummi Tuapannguani sanaartornerup siuariartornerani pilersarummi aningaasartuutit nalilersoqqinneqarnissaannut Naalakkersuisut pissutissarsisimanerpat?

AKISSUT: Sanaartugassaq aalajangersimasumik akeqartussangorlugu suliassat tamakkerlugit suliassatut neqeroorfigitinneqarsimavoq. Taamaattumik nalilersoqqitassanik soqanngilaq.

2. Sanaartornerup aallartinneqannginnerani Nuummi inissaminnik utaqquisut utaqqinerisa sivirususaanut qanoq sunniuteqassanersoq missingersorniarlugu qanoq iluuseqartoqarsimava? Qanoq iluuseqartoqarsimangippat sooq taamaannersoq Naalakkersuisunit nassuiaqquneqarpoq.

AKISSUT: Aap. Tassani taamaallaat piffissaq atornerqartussaq kingualaassaaq, nagga-taagut pitsannguutaasussamik.

3. Sanaartornermut sanasunik allanillu ilinniarsimasunik noqqaaneq annertusitissimanerpaa, taamaalillunilu sanaartorneq pineqartoq allanik sanaartugassanik illuliornissanillu privatilik pisortanilluunniit pilersaarutaasunik aallartitsinissanut akornutaasimasinnaava?

AKISSUT: Sanaartornerit suulluunniit, sanaartornermi iluarsaassineq nutaanillu sanaartorneq apeqquataatinnagu sulisussanik ilinniarsimasunik taamatullu sanasunik ilinniarsimasunik noqqaanermik kinguneqartussaapput. Sanaartorneq sanaartugassat allat aallartinnissaannut toqqaannanngikkaluamik sunniuteqarnerlussimasinnaanersoq Naalakkersuisut nalilersinnaanngilaat.

4. Naluneqanngitsutut sanaartornermi pineqartumi siunertarisat ilagisimavaat inissianik akikitsunik pissarsisinnaanissaq. Taamaammatt ilaqtat sisamanik inuttallit sisamanik initalimmik piginneqatigiilutik inissiamik pisisut, taakkunanilu angajoqqaajusut tamarmik nalinginnaasumik SIK-mi isumaqatigiissutit najoqqutaralugit aningaasarsiaqartut asser-suutigalugit naatsorsuusioqqullugit Naalakkersuisut qinnuigineqassapput.

Assersuusiorluni naatsorsuusiornermi iserternermi nammineq akiligassaq missingersoq-quneqarpoq. Ilanngullugu qaammammut tamakkiisumik akiliutissat ilannguteqquneqarput, tassaasut piginneqatigiilluni peqatigiiffimmu akiliutissat, innaallagissamut, imermut il.il. akiliutissat ilanngullugit. Ilanngullugu Naalakkersuisut qinnuigissavakka assersuusiorluni naatsorsuusiornermi ilaqtat taakku piginneqatigiilluni inissiamik pisinerminni qanoq annertutigisumik akileraartarnerminni ilanngaateqarsinnaassanersut, tamatumani pissutsit tamakkiisumik paaserusullugit.

AKISSUT: Aallarniutugalugu Naalakkersuisunit erseqqissaatigineqassaaq inissiamik attartorneq piginnittuunerlu tunngavimmikkut imminnut assersuunneqarsinnaanngimmat, tamatumani pissutsit assigiinngilluinnartut marluusut pineqarmata. Tassanissaaq akiliisinnaassuseqarneq (akiligassat isertitassallu) siunnerfigineqassanersut, imaluunniit aningaasartuutit isertitanut naleqqiunneqarnissaat siunnerfigineqassanersoq nalilersorneqartussaavoq.

Ineqarnermut akiliut akiliisinnaassuseqarneq aningaasartuuteqarnerlu eqqarsaatigalugit tunngavimmigut assigiippoq. Assersuutugalugu ineqarnermut akiliummut aningaasartuutit 4.500 koruuniugunik akilernerqartussaapput, taakkunanngalu utertoqartussaangilaq. Allatut oqaatigalugu pisortat inissiaataanni attartortuugaanni sukkulluunniit tamanna ileqqaagassartaqanngilaq.

Piginneqatigiilluni inissiamut tunngatillugu pissutsit allaalluinnarput. Piginneqataasup aallarniutitut akiliutai ernialersorneqartussaapput, piffissallu ingerlanerani amerliartortussaallutik. Taamaattumik tassani aningaasartuutit pineqaratik ileqqaagaqarnissaaq pineqarpoq. Tamanna tunngavimmigut aningaasanik aningaaserivimmu ikisinermut assersuunneqarsinnaavoq. Akiliisinnaassuseqarluaraanni aningaasanik ineqarnermut ileqqaarisarnermut kontomut iluanaarnarluartumut Nanoq-mut, ukiumut 8%-inik erniaqartinneqartumut ikisisoqarsinnaavoq.

Tassani ilaqtariit ataatsimut qaammammut isertitaasa ilanngaaserneqanngitsut 38.000 koruuniunissaat, aammalu ilaqtariit ilanngaataasinnaasunik allanik aningaasartuuteqannginnissaat tunngavigineqarpoq. Taamaattumik qaammammut isertitat ilanngaaseriikkat 25.680 koruuniussapput.

Inissiamut attartortittakkamut sisamanik initalimmu, 104,5 m²-nik angissuseqartumut ineqarnermut akiliut agguaqatigiissillugu qaammammut 4.790 koruuniuvoq. Ineqarnermut akiliut tamakkiisoq aningaasartuutaasussaavoq, tassani ileqqaagaqartoqartussaangimmat. Innaallagissamut, imermu, kiassarnermut, telefonimut, mobiltelefonimut, TV-mu assigisaannullu aningaasartuutissat ilisimaneqareersinnaanngillat, aammalu ilaqtariinniit ilaqtariinnu assigiinngitsorujussuusalutik.

Piginneqatigiilluni inissiammut sisamanik initalimmu aallarniutitut akiliutissaaq 161.348 koruuniuvoq. Piginneqataasup aningaasat ileqqaakkatut pigereersimappagit, aningaasat erngerlutik aningaaserivimmiit piginneqatigiilluni inissiaatillit peqatigiiffiannu nuunneqarsinnaapput. Piginneqataasup aningaasat pigeriingikkunigit aningaaserivimmu taarsigassarsiniarsinnaavoq. Ukiuni qulini akilersugassanik taarsigassarsinermi qaammammut akiligassat 1.911 koruuniussapput. Taarsigassarsianu akilersukkat taama appasitsigitil-

lugit erniat akileraarutigut ilanngaatineqarsinnaanngillat, taamaattumillu akilersuutit ilanngaaseriikkat ilanngaaserneqanngitsullu assigiittussaapput.

Inissiamut sisamanik initalimmut, 104,5 m²-nik angissuseqartumut akiliut agguaqatigiissillugu 6.409 koruuniuvoq. Taakkunannga qaammammut 2.177 koruunit ingerlatsinermut aserfallatsaaliuinemullu akiliutaapput.

Tassalu piginneqatigiilluni inissiamut akiliisinnaassusissaq inissiamut attartortittakkamut naleqqiullugu qaammammut 1.619 koruuninik qaffasinneruvoq (6.409 koruunit 4.790 koruuninik ilanngarlugit = 1.619 koruunit).

Erseqqissaatineqassaaq aningaasartuutit eqqarsaatigalugit piginneqatigiilluni inissiaq akikinnerummat, tassani piginneqataasoq ineqarnermut akiliisarnermigut realkredittimut ataatsimut taarsigassarsianut akilersueqataanini aqutigalugu qaammammut agguaqatigiissillugu 1.742 koruuninik ileqqaagaqartartussaammat. Naluneqanngitsutut matuma siuliani taaneqareersutut ileqqaakkat aningaasartuutaanngillat. Taamaattumik aningaasartuutit eqqarsaatigalugit piginneqatigiilluni inissiaq qaammammut agguaqatigiissillugu 4.667 koruuninik akeqarpoq (6.409 koruunit 1.742 koruuninik ilanngarlugit = 4.667 koruunit).

Taamaattumik aningaasartuutit eqqarsaatigalugit inissiaq attartortittagaq piginneqatigiilluni inissiamit qaammammut 123 koruuninik akisuneruvoq (4.790 koruunit 4.667 koruuninik ilanngarlugit = 123 koruunit).

Piginneqatigiilluni inissiami akiliisinnaassusissaq aallarniutitut akiliutissanut taarsigassarsianut akilersuutissat ilanngunnagit 6.409 koruuniuvoq, aallarniutitullu akiliutissanut taarsigassarsianut akilersuutissat ilanngullugit 8.320 koruuniulluni.

Ataatsimut isigalugu inerniliinermi oqaatineqarsinnaavoq piginneqataasoq naammattumik akiliisinnaassuseqartoq, taamaattumillu Tuapannguani piginneqatigiilluni inissiami sisamanik initalimmi najugaqaruni, Namminersornerullutik Oqartussat inissiaataanni sisamanik initalimmi assingusumi ineqarnermit akikinnerusumik ineqartussaavoq.

5. Taamatut sanaartornissamik aalajangerneq Naalackersuisunit suli pitsaanerpaatut isigineqarpa? Akissummi Naalackersuisut tunngavilersuinissaat kissaatigissavara.

AKISSUT: Matumani eqqortumik toqqaasoqarsimanera Naalackersuisut suli qularinngilaat. Tassunga taarsiullugu pisortat inissiarsuarnik altaniusamik torsuusalinik aserfallasimasorujussuanik, 1960-ikkut qiteqqunneranni sananeqarsimasunik iluarsaassinermut aningaasanik amerlanerusunik atuisoqarsimassagaluarpoq.

Neriuppunga matumuunakkut apeqqutitit naammaginartumik akisimassallugit.

Ikinngutinnersumik inuulluaqqusillunga

Kim Kielsen